



Broj predmeta: KSI-12-90/22

Datum: 18.05.2022. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH“ broj:04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta BiH“ broj 19/21), Komisija za odlučivanje o sukobu interesa, postupajući po prijavi K.Z. od 29.04.2022. godine protiv U.V., poslanika u Skupštini Brčko distrikta BiH, na 23. sjednici, održanoj dana 17.05.2022. godine, donosi

## **ODLUKU**

Postupak za odlučivanje o sukobu interesa protiv nosioca javne funkcije, V.U., poslanika u Skupštini Brčko distrikta BiH, u vezi okolnosti da je u sukobu interesa, neće se pokrenuti, s obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta BiH.

### **Образложење**

Komisija je dana 29.04.2022. godine pod brojem: KSI-12-90/22 zaprimila prijavu o sukobu interesa podnesenu od strane K.Z. protiv V.U.

U predmetnoj prijavi se navodi da V.U., istovremeno obnaša funkciju poslanika u Skupštini Brčko distrikta BiH, te funkciju šefa Sektora za priključke i reklamacije u JP „Komunalno Brčko“ d.o.o. Brčko distrikt BiH, u kojoj se traži od Komisije za odlučivanje o sukobu interesa da utvrdi sve relevantne činjenice, te ukoliko se utvrdi postojanje sukoba interesa ista primjeni mjere i eventualno sankcije prema V.U.

Članom 2. tačka c) Zakona o sprečavanju sukoba interesa u institucijama Brčko distrikta BiH propisano je da je nosilac javne funkcije izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnot daje Skupština, odnosno Vlada, ukoliko drugim zakonom nije drugačije propisano. Komisija je uvidom u Registar javnih funkcija, nosilaca javne funkcije, imovine nosilaca javne funkcije i poklona, utvrdila da V.U. obnaša funkciju poslanika u Skupštini Brčko distrikta BiH, uvjerenjem Centralne izborne komisije BiH, broj:06-1-07-01-2103-2-3200/20 od 15.12.2020. godine. V.U. kao nosilac javne funkcije obavezan je postupati u skladu s odredbama Zakona o sprečavanju sukoba interesa u institucijama Brčko distrikta BiH.

Članom 5. stav (1) Zakona o sprečavanju sukoba interesa u institucijama Brčko distrikta BiH propisano je da nosilac javne funkcije obavlja samo jednu javnu funkcije, dok je stavom (3) istog člana propisano da za vrijeme obavljanja javne funkcije, koja podrazumijeva rad sa punim radnim vremenom, nosilac javne funkcije ne može obavljati druge poslove.

Članom 16. Zakona o zastupnicima Skupštine Brčko distrikta BiH („Službeni glasnik Brčko distrikta BiH“ broj: 06/18, 08/19 i 09/19) propisuje se da Skupština uplaćuje doprinose za penziono i zdravstveno osiguranje iz Budžeta Brčko distrikta BiH za one poslanike koji nemaju doprinose uplaćene na osnovu drugog zaposlenja, a član 16a navedenog Zakona, nadalje objašnjava profesionalizaciju mandata. Naime, poslanici koji ostvaruju pravo iz člana 16. navedenog Zakona, mogu podnijeti zahtjev za profesionalizaciju mandata poslanika u Skupštini Brčko distrikta BiH. Poslanici kojima je utvrđen status profesionalnog poslanika su u profesionalnom radnom odnosu u Skupštini Brčko distrikta BiH.

Komisija je radi provjere navoda iz prijave, dopisom broj: KSI-12-90/22 od 09.05.2022. godine, zatražila od Skupštine Brčko distrikta BiH dostavu podataka o tome da li je V.U. svoj mandat u Skupštini Brčko distrikta BiH profesionalizovao ili prima paušalnu naknadu.

Skupština Brčko distrikta BiH je dopisom broj: 02-05-1979-1/22 od 10.05.2022. godine odgovorila da V.U. poslanik u Skupštini Brčko distrikta BiH nije podnio zahtjev za profesionalizaciju mandata i da prima novčanu naknadu u cilju održavanja svoje nezavisnosti u skladu sa Zakonom.

Također je Komisija radi provjere navoda iz prijave, dopisom broj: KSI-12-90/22 od 09.05.2022. godine zatražila od JP „Komunalno Brčko“ d.o.o., Brčko distrikt BiH podatak o radnom statusu V.U.

JP „Komunalno Brčko“ d.o.o. Brčko distrikt BiH, aktom broj 02.02-15-AdminD-002 od 16.05.2022. godine, odgovorilo je da je V.U. od 15.11.2016. godine do danas zaposlen na radnom mjestu šefa Sektora za priključke i reklamacije.

Na osnovu prikupljenih podataka i dokumentacije Komisija za odlučivanje o sukobu interesa utvrdila je da poslanik u Skupštini Brčko distrikta BiH, V.U. nije u sukobu interesa, odnosno da u istovremenom obnašanju javne funkcije poslanika u Skupštini Brčko distrikta BiH i funkcije šefa Sektora za priključke i reklamacije u JP „Komunalno Brčko“ d.o.o. Brčko distrikt BiH ne postoje povrede Zakona o sprečavanju sukoba interesa u institucijama Brčko distrikta BiH u kontekstu nespojivosti, jer prijavljeni nije podnio zahtjev za profesionalizaciju svog mandata u Skupštini, odnosno ne obavlja javnu funkcije koja podrazumijeva rad sa punim radnim vremenom.

Slijedom navedenoga, Komisija je donijela odluku kao u dispozitivu odluke.

## **POUKA O PRAVNOM LIJEKU:**

Protiv ove Odluke nije dozvoljena žalba, ali se može pokrenuti upravni spor Osnovnom sudu Brčko distrikta BiH u roku od 30 dana od dana prijema Odluke.

Predsjednik  
Komisije za odlučivanje o sukobu interesa

Admira Mujić, dipl. pravnik

Dostaviti:

1. K.Z.,
2. Evidenciji i
3. Arhivi.